

Allanguutissatut siunnersuut

uunga

Uunga siunnersuut: Nuup kiisalu Qasigiannugit Aasiaallu pilersorneqarnerannut erngup nukinganik nukissiorfinnik taakkunungalu atatillugu atortunik sanaartornermut, aningaasalersuinermit ingerlatsinermullu killiliussatut atugassarititaasut pillugit Inatsisartut inatsisaata allanngortinneqarnissaa pillugu Inatsisartut inatsisaat

Aappassaanneerneranut Naalakkersuisunit saqqummiusaaq.

§ 1-imut

1. § 1-imi normutut nutaatut inissinneqassaaq:”**01.** § 5, imm. 1 imatut oqaasertalissaaq:

” Inatsimmi ilaasutut sanaartugassatut suliniutinik tamakkiisumik imaluunniit ilaannakortumik aningaasaliinissamut Aningaasaqarnermut Akileraartarnermullu Ataatsimiititaliamit akuerineqartumik Naalakkersuisut taarsigassarsisinnaapput, imaluunniit namminersorlutik oqartussat pigisaattut aktianik piginneqatigiiffimmut suliffiup avataanit taarsigassarsisitsisartunit taarsigassarsianut qularnaveeqqusiisinnaallutik.”

2. § 1, nr. 2-mi § 6, imm. 1 imatut oqaasertalissaaq:

” Suliassat §§ 2-4-niittut, taakkunungalu atasutut aningaasartuutit Naalakkersuisut aalajangiussaattut atugassarisani namminersorlutik oqartussat pigisaattut aktianik piginneqatigiiffimmut, pioreersumut imaluunniit nutaatut pilersitamut tamakkiisumik imaluunniit ilaannakortumik tunniunneqarnissaat Naalakkersuisut aalajangiussinnaavaat.”

3. § 1, nr. 2-mi § 6, imm. 4-tut ilanngunneqassaaq:” *Imm. 4.* Utoqqarmiut Kangerluarsunnguanni Erngup nukinganik Nukissiorfimmi ingerlatsivioereersoq, tassungalu ilaasutut teknikkikkut ingerlatsiviit, attaveqarfiit, allatullu atasutut atortut, ivertitikkat aamma illut namminersorlutik oqartussat pigisaattut aktianik piginneqatigiiffimmut tamakkiisumik imaluunniit ilaannakortumik tunniunneqarnissaat Naalakkersuisut aalajangiussinnaavaat, takuuk imm. 1.”

Siunnersuummut oqaaseqaatit

Oqaaseqaatit nalinginnaat

Nuup kiisalu Qasigianguit Aasiaallu pilersorneqarnerannut erngup nukinganik nukissiorfinnik taakkununggalu atatillugu atortunik sanaartornermut, aningaasalersuinermit ingerlatsinernullu killiliussatut atugassarititaasut pillugit Inatsisartut inatsisaata allanngortinneqarnissaa pillugu Inatsisartut inatsisaata 2021-mili akuerineqarnerata kingorna illuliornermik sanaartornermillu immikkoortoqarfimmi malunnartunik akit qaffakkiartorneri paasineqarput. Taamaattumik sanaartornermut aningaasartuutit sanaartornermi inatsimmi § 5, imm. 1-imi aalajangiussatut taarsigassarsiassat qaffasinnerpaaffissaannut naleqqiullugit akisunerulersinnaanissaat naatsorsuutigisariaqarput.

Nuup kiisalu Qasigianguit Aasiaallu pilersorneqarnerannut erngup nukinganik nukissiorfinnik taakkununggalu atatillugu atortunik sanaartornermut, aningaasalersuinermit ingerlatsinernullu killiliussatut atugassarititaasut pillugit Inatsisartut inatsisaata allanngortinneqarnissaa pillugu Inatsisartut inatsisaannut siunnersuutip saqqummiunnerani sapinngisamik atugassanik pitsaanerpaanik aningaasaliinissaq pillugu Aningaasaqarnermut Ministereqarfimmik (Finansministereqarfimmik), aammalu taarsigassarsisitsisinnaasunik allanik isumaqatiginninniarnert suli naammassineqanngillat.

Taamaattorli Danmarkimi Finansministereqarfillu aallarniutitut oqaloqatigiinnerit tunngavigalugit sapinngisamik akikinnerpaamik aningaasaliissutissat qularnaarniarlugit sanaartornermut taarsigassarsitsiniarnermik isumaqatiginninniarnerni annertunerusumik allannguisinnaassutsimik Naalakkersuisut allannguutissatut siunnersuutikkut periuseqarsinnaanissamut pisussaaffilernissaat pisariaqartutut isigineqarpoq.

Nangillugu allannguutitut siunnersuutip siunertaa tassaavoq allannguutissatut siunnersuutip ingerlatseqatigiiffimmik pilersitsinissaanut tunngaviliinera, ilanngullugit tamatumunnga atugassarisanik aalajangiinissat, tassalu sanaartornermut taarsigassarsiniarnermut tamanna akikinnerusutut isigineqassappat.

AI 2023-mi oqaasertaliussap nutaap ilanngunneratigut aningaasatigut ilanngussanut imaluunniit aningaasatut innatik naleqartuutitut ilanngussanut malittarisassiat atuuttut najoqqutaralugit aningaasaliinermut tunngasutut tunngavissaq pissarsiarineqassaaq. Oqaasertaliussat pisarialittut annertussuseqartillugit aningaasanut inatsisini kingusinnerusumi atuuttussani nanginneqarumaarput.

Siunnersuummi aalajangersakkanut ataasiakkaanut oqaaseqaatit

Nr. 1-imut

Sanaartornermut inatsisaaqqaartoq suliniutinik nassuiaatinik aammalu suliniummut missiliuutinik, taassumalu sanaartornissamut aningaasaqarnerinik aallaaveqarsimavoq, tunngavigalugit 2018-imi aningaasartuutissatut missiliuutit, missiliuut tamarmiusoq tassaalluni 3,1 mia. DKK. Maannakkut piviusutut sanaartornissamut aningaasartuutissat akisunerulernissaasa naatsorsuutigineqarsinnaanerisa paasineqarsinnaalereernerinik allannguutissatut siunnersuut sianiginnippoq. Tamanna atortussat akiisa qaffannerunerisa, aamma Nunat Avannarlerni sanaartornermi immikkoortoqarfimmi sulisartut akisunerunerisa malitsigisaannik tamatigoortumik sanaartornermi aningaasartuutit malunnartumik qaffariarnerinik tunngaveqarpoq. Tamanna Kalaallit Nunaanni illuliorlunilu sanaartornermi aningaasartuutitut malitseqartitsisumik sunniuteqarpoq. Piffissami matumani nalingit missiliuutit siunissamut inissinnertalerlugit, kiisalu sanaartornerup nalaata ingerlanerani akit suli qaffariaqqinnissaannik naatsorsuutigisanik ilaqartillugu suliniummut nassuiaat nutarsarneqarallartoq sanaartorfissamut tamarmiusumut 2024-2029-mut sanaartugassanut akimik qaffasinnerusumik paasinarsisitsivoq.

Suliniutinut sanaartornermut aningaasartuutitut piviusunut taakkununga missiliuinermut annertuumik nalornissuteqartoqassaaq, aatsaallu qaaqusaasutut tamakkiisumik suliaqartussatut suliffeqarfiutilinnit taakkunanit inaarutaasumik neqeroorutit tunniunneranni piffissami sanaartornermut aningaasaqarnermut tamakkiisumik inaarutaasumik takussutaasinnaasumik pissarsisoqarsinnaassaaq.

Ilanngullugit sanaartorfiup nalaani aningaasaliinissamut aningaasartuutit qaffasinnerit, aamma suliniummut aningaasartuutisaat allat naatsorsuutigineqarsinnaassapput. Taarsigassarsinikkut sanaartornissamut aningaasat tamakkiisut tamakkiisumik aningaasaliissutaassanerit tunngaviuvoq. Taamaattumik sanaartornermut inatsimmi ilaasutut siusinnerusumi aningaasat missiliuutaasut pisarialimmik aningaasaliinermik taarsigassarsinissamut tamatigoortumik tunngavissamik taarserneqassasoq siunnersuutigineqarpoq, imatulli ilisamik nunatta karsiata piviusumik taarsigassarsiniarnera Aningaasaqarnermut Akileraartarnermullu Ataatsimiititaliamit akuerineqartussaalluni. Tunngavigisassat sorliit atorneqassanersut apeqqutaalluni taarsigassarsiassatut pisariaqartitat tamakkiisut missiliuutigisatut tassaassapput 3.784 - 4.620 mio. kr.

Nr. 2-mut

Allannguutip siunertaa tassaavoq allannguutissatut siunnersuutip aamma

ingerlatseqatigiiffimmik pilersitsinissap tunngaviunerisa erseqqissarnissaat, ilanngullugit tamatumunnga atugassarisanik aalajangersaanerit, tassalu ingerlatsivioereersumut tunniussinermut naleqqiullugu allatut qinigassatut. Ingerlatseqatigiiffik Namminersorlutik

Oqartussat pigisaattut ingerlatseqatigiiffimmit aqutaasinnaavoq. § 6, imm. 1-imut oqaaseqaatit ilalerneqarput, taamaalillutillu allanngortinneqarput. § 6, imm. 2-mut aamma 3-mut siunnersuutit allanngortinneqanngillat. Aamma aningaasaliisarnermut tunngasutut tunngavigisaq pillugu nalinginnaasumik oqaaseqaatit takukkit.

Nr. 3-mut

Maannakkut Utoqqarmiut Kangerluarsunnguani erngup nukinganik nukissiorfimmi ingerlatsiviusoq, (tassunga atasutut attaveqarfiit ivertitikkallu il.il. ilanngullugit) ingerlatseqatigiiffimmut tunniunneqarsinnaanerani aalajangersagaq periarfissiivoq, tassalu tunisinikkut, imaluunniit naleqartitanik aningaasaliinikkut Namminersorlutik Oqartussat pigisaattut ingerlatseqatigiiffimmut ingerlatsiviup nutaap tunniunneqarnissaa aalajangiunneqassappat, taamaalilluni ingerlatsiviup sanaartorsimasap sanaartugaanerata kingornatigut piginnittumit taassuminnga pigineqarsinnaalissalluni. Aamma aningaasaliisarnermut tunngasutut tunngavigisaq pillugu nalinginnaasumik oqaaseqaatit takukkit.